

Broj: 07-02-1-1156-1/21

Mostar, 11.11.2021. godine

Na osnovu člana 21. stav (1) tačka 13) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 25. stav (7) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 10. stav (1), člana 20. stav (1) i člana 23. stav (1) i stav (2) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (3) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), te člana 3. Pravilnika o metodologiji za utvrđivanje referentne cijene električne energije („Službene novine Federaciji BiH“ broj 50/14, 100/14 i 82/21), Regulatorna komisija za energiju u Federaciji Bosne i Hercegovine – FERK je, na XXII redovnoj sjednici održanoj u Mostaru 11.11.2021. godine, donijela

ODLUKU

Član 1.

Referentna cijena električne energije iznosi 0,125953 KM/kWh (12,5953 feninga/kWh).

Član 2.

Cijena iz člana 1. ove odluke je utvrđena kao ponder ostvarene cijene trgovine električnom energijom u Federaciji Bosne i Hercegovine u periodu od prethodnih 12 mjeseci (X mjesec 2020. godine – IX mjesec 2021. godine) imaoca FERK-ove dozvole za snabdijevanje električnom energijom – dozvole II reda.

Član 3.

- (1) Ova odluka stupa na snagu danom donošenja, a primjenjuje se od 01.03.2022. godine, te se objavljuje na oglasnoj tabli i internet stranici FERK-a, a dispozitiv ove odluke i u „Službenim novinama Federacije BiH“.
- (2) Danom početka primjene ove odluke prestaje primjena Odluke broj 07-02-1-783/20 od 02.07.2020. godine i broj 07-02-1-783-01/20 od 19.08.2020. godine („Službene novine Federacije BiH“ broj 47/20 i 60/20).

O b r a z l o ž e n j e

Članom 20. stav (1) Statuta FERK-a propisano je da se sve odluke FERK-a donose na redovnim i vanrednim sjednicama FERK-a koje su otvorene za javnost, osim odluka koje se odnose na interna administrativna pitanja, što će se bliže urediti pravilima i propisima FERK-a, dok je članom 8. stav (1) Poslovnika o radu FERK-a propisano da na redovnoj sjednici FERK raspravlja i donosi odluke iz regulatorne nadležnosti. U skladu sa članom 32. stav (3) Poslovnika o radu FERK-a, odlukom se uređuju pojedina pitanja iz oblasti energije u skladu sa zakonom i donose opšti akti FERK-a, kao i akti poslovanja FERK-a kao pravnog subjekta u pravnom prometu.

Članom 21. stav (1) tačka 13) Zakona o električnoj energiji u Federaciji Bosne i Hercegovine propisano je da FERK ima nadležnost za utvrđivanje referentne cijene električne energije za postrojenja koja koriste obnovljive izvore i kogeneraciju. Takođe i članom 25. stav (7) Zakona o korištenju obnovljivih izvora energije i efikasne kogeneracije propisano je da je određivanje referentne cijene električne energije u nadležnosti FERK-a.

U vezi sa navedenim članom 3. Pravilnika o metodologiji za utvrđivanje referentne cijene električne energije propisano je da se referentna cijena električne energije utvrđuje kao ponder ostvarene cijene trgovine električnom energijom u Federaciji Bosne i Hercegovine u periodu od prethodnih 12 mjeseci imaoća FERK-ove dozvole za snabdijevanje električnom energijom – dozvole II reda, te da se kao osnov za utvrđivanje ponderisane ostvarene cijene trgovine električnom energijom uzimaju podaci koje su imaoći dozvola obavezni dostavljati FERK-u u skladu sa važećem Pravilnikom o izvještavanju za imaoće dozvola za snabdijevanje električnom energijom – dozvola II reda, nezavisne i kvalifikovane proizvođače i Operatora za OIEiEK. Takođe, propisano je i da referentnu cijenu električne energije utvrđuje FERK prilikom donošenja odluke o izračunu garantovanih otkupnih cijena električne energije iz postrojenja za korištenje obnovljivih izvora energije i efikasne kogeneracije.

Slijedeći navedeno, FERK je utvrdio referentnu cijenu električne energije kao ponder ostvarene cijene trgovine električnom energijom u Federaciji Bosne i Hercegovine u periodu od prethodnih 12 mjeseci (X mjesec 2020. godine – IX mjesec 2021. godine) imaoća FERK-ove dozvole za snabdijevanje električnom energijom – dozvole II reda u iznosu od 0,125953 KM/kWh.

Na osnovu svega naprijed navedenog, odlučeno je kao u dispozitivu odluke.

PREDSJEDNICA FERK-a
Sanela Pokrajčić, s.r.